



问曰：若无住，应有灭。

答曰：无。何以故？

103

法已灭不灭，未灭亦不灭，

灭时亦不灭，无生何有灭？¹

若法已灭则不灭，以先灭故。未灭亦不灭，离灭相故。灭时亦不灭，离二更无灭时。如是推求，灭法即是无生，无生何有灭²？

复次，

104

法若有住者，是则不应灭；

法若不住者，是亦不应灭。³

¹ 一、《般若灯论释·观有为相品》云：

未灭法不灭，已灭法不灭，
灭时亦不灭；无生何等灭？

二、《大乘中观释论·观有为品》云：

已灭法不灭，未灭法灭空。
彼灭时亦然，无生何有灭？

² 无生何有灭：《中论·观三相品》的第80偈——90偈之间都在讲说无生相可得。

³ 一、《般若灯论释·观有为相品》云：

法体若住者，灭相不可得。
法体若无住，灭亦不可得。





若法定住，则无有灭。何以故？由有住相故。若住法灭则有二相，住相、灭相，是故不得言住中有灭，如生死不得一时有。若法不住，亦无有灭。何以故？离住相故。若离住相则无法，无法云何灭？

复次，

105

是法于是时，不于是时灭；

是法于异时，不于异时灭。⁴

若法有灭相，是法为自相灭？为异相灭？二俱不然。何以故？如乳不于乳时灭，随有乳时，乳相定住故；非乳时⁵亦不灭，若非乳不得言乳灭。

复次，

二、《大乘中观释论》无对应偈颂。

⁴ 一、《般若灯论释·观有为相品》云：

彼于此位时，不即此位灭；
彼于异位时，亦非异位灭。

二、《大乘中观释论·观有为品》云：

此分位定住，先分位显明。
异分位定住，先分位已灭。

三、《中观四百论·破有为相品》即用此理破生，如偈曰：

如生于自性，生义既为无，
于他性亦然，生义何成有？

⁵ 非乳时：即指酪位时。





如一切诸法，生相不可得；

以无生相故，即亦无灭相。⁶

如先推求，一切法生相不可得⁷，尔时即无灭相。破生故无生，无生云何有灭？若汝意犹未已⁸，今当更说破灭因缘。

若法是有者，是即无有灭，

不应于一法，而有有无相。⁹

⁶ 一、《般若灯论释·观有为相品》云：

若一切诸法，起相不可得；
以无起相故，有灭亦不然。

二、《大乘中观释论·观有为品》云：

如彼一切法，生相不可得；
即此一切法，灭亦不可得。

⁷ 一、《中论青目释·观因缘品》云：

[问曰：汝虽释不生不灭义，我欲闻造论者所说。

答曰：

诸法不自生，亦不从他生，
不共不无因，是故知无生。

不自生者，万物无有从自体生，必待众因缘。复次，若从自体生，则一法有二体：一谓生，二谓生者。若离余因从自体生者，则无因无缘，又生更有生生则无穷。自无故，他亦无。何以故？有自故有他。若不从自生，亦不从他生。共生则有二过，自生、他生故。若无因而有万物者，是则为常。是事不然，无因则无果。若无因有果者，布施、持戒等应堕地狱，十恶、五逆应当生天，以无因故。]

二、《中论·观三相品》的第80偈——90偈之间都在述说无生相可得。

⁸ 未已：拼音 wèi yǐ，不止；未毕。

⁹ 一、《般若灯论释·观有为相品》云：

法若有体者，有则无灭相。
一法有有无，于义不应尔。





诸法有时推求灭相不可得。何以故？云何一法中，亦有亦无相？如光影不同处。

复次，

108

若法是无者，是即无有灭；

譬如第二头，无故不可断。¹⁰

法若无者则无灭相，如第二头、第三手无故不可断。

复次，

109

法不自相灭，他相亦不灭；

如自相不生，他相亦不生。¹¹

二、《大乘中观释论·观有为品》云：

若法是有者，灭即不可得，
不可于一处，有有无二性。

¹⁰ 一、《般若灯论释·观有为相品》云：

法若无体者，有灭亦不然，
如无第二头，不可言其断。

二、《大乘中观释论·观有为品》云：

无法即无果，灭亦不可得，
如无第二头，不可言其断。

¹¹ 一、《般若灯论释·观有为相品》云：

法不自体灭，他体亦不灭；
如自体不起，他体亦不起。

二、《大乘中观释论·观有为品》云：





法不自体灭，他体亦不灭；
如生不自生，他体亦不生。

三、如先破生相偈中说：

生生之所生，生于彼本生，
本生之所生，还生于生生。
若谓是生生，能生于本生，
生生从本生，何能生本生？
若谓是本生，能生于生生，
本生从彼生，何能生生生？
若生生生时，能生于本生，
生生尚未有，何能生本生？
若本生生时，能生于生生，
本生尚未有，何能生生生？
如灯能自照，亦能照于彼；
生法亦如是，自生亦生彼。
灯中自无闇，住处亦无闇，
破闇乃名照，无闇则无照。
云何灯生时，而能破于闇？
此灯初生时，不能及于闇。
灯若未及闇，而能破闇者，
灯在于此间，则破一切闇。
若灯能自照，亦能照于彼；
闇亦应自闇，亦能闇于彼。
此生若未生，云何能自生？
若生已自生，生已何用生？

此处破灭相时，可说偈曰：

灭灭之所灭，灭于彼本灭，
本灭之所灭，还灭于灭灭。
若谓是灭灭，能灭于本灭，
灭灭从本灭，何能灭本灭？
若谓是本灭，能灭于灭灭，
本灭从彼灭，何能灭灭灭？
若灭灭灭时，能灭于本灭，
灭灭尚未有，何能灭本灭？
若本灭灭时，能灭于灭灭，
本灭尚未有，何能灭灭灭？
如灯能自照，亦能照于彼；
灭法亦如是，自灭亦灭彼。
灯中自无闇，住处亦无闇，
破闇乃名照，无闇则无照。
云何灯灭时，而能破于闇？
此灯初灭时，不能及于闇。
灯若未及闇，而能破闇者，





中论释



如先说生相，生不自生，亦不从他生。若以自体生，是则不然。一切物皆从众缘生，如指端不能自触，如是生不能自生。从他生亦不然。何以故？生未有故，不应从他生。是生无生故无自体，自体无故他亦无，是故从他生亦不然。灭法亦如是，不自相灭，不他相灭。

灯在于此间，则破一切闇。
若灯能自照，亦能照于彼；
闇亦应自闇，亦能闇于彼。
此灭若未灭，云何能自灭？
若灭已自灭，灭已何用灭？

